

October 2, 2019

www.awemainta.com
www.facebook.com/awemainta
noticia@awemainta.com
583-1400



AWE Manta

15
año

Un baha accion na HOH

Gina Maduro ta haya cu construccion di mal calidad a ser haci

Problema lo sigui escala

UN baha mas, trahadornan di Dr. Horacio E. Oduber Hospital ta pone trabou abou pa un ora. Segun Gina Maduro, Presidente di ABV, nan a cuminsa nan reunion di negociacion di e CAO, cu ta pendiente pa firma ainda. Mas bien nan ta den fase di finalisacion.

Pero segun Presidente di ABV, Gina Maduro, e accion aki ta debi n'e construccion, pero awor ta demanda pa kita e boiler, pero asina cu start'e. color di diesel ta palma aden varios departamento di Hospital. E motibo di e welga ta malcontento pa cu henter e construccion.

Lo manda un carta pa SOGA pa saca e boiler, maske cu tur hende sa cu e lo costa 800 mil florin. No ta importa nan kende tin cu paga e gastonan aki.

Pa loke t'e proyecto mes, for di inicio el a cuminsa malo, segun Gina Maduro. Si a tende di ABV, lo a evita hopi di e problemanan di awe. Ora e trahadornan a cuminsa cuestiona e trabao, e trahadornan ta wordo acusa di ta floho, cu nan hunto cu ABV lo ta contra di e proyecto, pero awe nan ta hayando razon. Construi un edificio nobo y anex'e n'e esun existente, ta logico lo tin problema cu un edificio di mas di 45 año bieu. Gina Maduro no ta kere cu ta falta di mantenimento, pero un falta di planificacion, trabao di mal calidad, trabao mal haci.



Payroll Pro
HRM

- Complete integration of HRM and Payroll
- The #1 payroll software in the Dutch Caribbean
- For all commercial and governmental organizations

Always accurate and easy customizable

Quick support from our locally based specialists

VCC International NV

Tel.: 583-7072 | info@vcc-int.com | www.vcc-int.com

INVEST SECURE

We don't just say it ... We Guarantee it !!!

ANNIVERSARY
24 Years

Nos ta ofrece tranquilidad, protegiendo nos comunidades.

Pa mas informacion yama 582-7252

Partnernan den Reino Hulandes a haya otro
**Lo introduci
Visa pa tur
Venezuelano**

PAGINA 3



Parlamentario di fraccion di AVP, drs. mr. Arthur Dowers

Ta calcula un suma di 1.5 biyon florin ta bay na compania priva

“Otmar Oduber ta basta, bo a abusa hopi caba, ta basta!”



“TA tempo p’esnan di e otro partido cu a resta consensi ainda, lagando un banda e mentalidad di stempel parlament, para pa principio y na banda di e pueblo y no acepta e Ley di Serlimar aki,” ta palabranan di drs. mr. Arthur Dowers. E ta bisa cu NO por pasa e ley aki manera e ta awor y esey ta inaceptabel.

Parlamentario Dowers ta pidi pueblo pa ta consciente di e embergadura di locual cu nan kier impone riba dje.

Na trahadornan di Serlimar tambe ta bay un yamada, pa nan ta atento di kico ta na caminda, locual nan tin den mente nan por wel di lubida.

“Entrada cu nan ta kere cu lo bin pa nan, lo pasa directamente na compania priva sin lubida cu locual nan ta bin pidi pa pasa awor no lo ta suficiente pa cubri e gasto astronomico y lo bin bek p’asina atraca e pueblo aki su cartera mas despues tambe.” E ta premira cu Serlimar lo keda plan bari na momento cu tur placa pasa pa compania priva.

Cu e ley di Serlimar no ta bay perhudica niun compania ta un MENTIRA!, segun Dowers

Segun calculacion cu a haci ta papia di 1.5 biyon p’e compania aki funciona den e periodo stipula.

Parlamentario Arthur Dowers ta aclaria cu no solamente esaki, pero NINGUN otro proyecto di e Minister en cuestion aki a keda sin costa pueblo nada, manera e.o. AruParking cu a resulta den desaster. Lo ta bon pa bay Arubus cu tabata bou su encargo den Gobernacion anterior, na unda el a apunta su hendenan pa bay traha, y wak si e tabata rendabel.

“Por premira caba cu e proyecto aki lo sali na bon/na beneficio berdad, pero di algun hende so, no p’e pueblo di Aruba mucho menos p’e trahadornan di Serlimar,” ta locual cu Parlamentario Arthur Dowers a bisa y ta agrega cu e trahadornan mester keda alerta y pa nan ta consciente ya cu esaki lo por costa e departamento su existencia.

Un compania priva di cual te ainda niun hende no sa ta ken lo sali gana di tur e wega sushi aki caminda lo uza Serlimar como “doorschuif luik” (via cual) lo pasa placa cu na final lo keda cerca nan.

Parlamentario Arthur Dowers ta recorda cu e Minister aki no ta haci NADA na interes di pueblo na prome lugar mas bien semper cu pensamento cu e tin cu bira mihor, cu e por keda nombra hende, sigui haci su campaña y Dowers a bisa di su parti cu actuacionnan asina ta basta.

Un Minister cu a informa di ta retira, tin cu hala un banda y laga e siguiente Minister studia e materia na un forma drechi y cu ta cumbini e pueblo.

“Otmar Oduber ta basta, bo a abusa hopi caba, ta basta! Ta spera cu e tin un/mas politico cu ta forma parti di e Gobierno aki cu no a bende nan alma/curazon cu diabel, cu conseshi ainda y sali para bisa ta basta, basta abuso.”

Durante reunionnan na Nacionnan Uni na New York:

Prome Minister Wever-Croes a atende reunionnan riba diferente nivel riba e tema di Venezuela



DURANTE e reunionnan na Nacionnan Uni na New York siman pasa, Prome Minister Evelyn Wever-Croes a atende tambe riba diferente nivel cu e tema di e crisis di Venezuela y e impacto cu esaki tin na Aruba.

Entre e reunionnan cu a tuma lugar riba e tema aki, tabata un reunion ministerial di paisnan den Caribe hundo cu Under Secretary of State señor David Hale.

E puntonan principal cu a wordo comparti den e reunion tabata e vulnerabilidad cu ta existi dor di e situacion actual di nos pais bisiña Venezuela y tambe e preocupacionnan di Gobierno Mericano tocante e situacion aki.

A enfatisa e importancia pa tene cuenta cu paisnan chikito manera Aruba cu ta hopi cerca di Venezuela, lo wordo impacta dor di cuaquier decision cu Merca tuma.

Tambe Prome Minister a reuni cu Embahada di Reino na Washington señor André Haspels for di ken Prome Minister a ricibi un update di informacionnan riba e desaroyonan di Venezuela cu ta yuda Aruba tin un mihor bista riba loke ta sosodiendo na Venezuela.

E situacion na Venezuela ta hopi critico y cu e sencionnan nobo cu a wordo poni y cu lo wordo poni ainda, e situacion lo bira mas tenso.

Un otro reunion riba e tema di Venezuela, tabata cu ex Presidente di Merca señor Bill Clinton di Clinton Foundation.

A discuti riba e riesgonan cu e crisis di Venezuela por tin den nos region, specialmente riba economia di nos pais. Gobierno di Aruba ta keda busca formanan conhunto pa fortifica economia di paisnan chikito den region pa ta mas prepara pa cuaquier eventualidad.

Durante e reunion cu Minister di Relacionnan Exterior di Reino, Stef Blok hundo cu Prome Minister di Corsou Eugene Rhuggenaath y Prome Minister di Sint Maarten Leona Marlin-Romeo, tambe a elabora riba e riesgonan cu tin den nos region pa cu e situacion dificil na Venezuela. Riba e tema di frontera, a palabra cu frontera ta keda cera por lo pronto. E tema di Visa pa esnan di Venezuela tambe a ser menciona.

Di parti di Aruba, tabata insistente den e peticion na Reino pa introduci Visa pa Venezolanonan pa motibo cu esaki lo duna proteccion na nos pais di esnan cu ta bin aki y haci cosnan ilegal na nos pais.

Riba esaki, tin consensus den Reino y awor ta trahando riba e implementacion di Visa pa Venezolanonan. Dentro di poco esaki lo keda cla.

“Aruba n’e momentonan aki ta combibi cu nos pais bisiña Venezuela, pero aworaki nos mester tene cuenta cu Aruba prome, pasobra si nos no haci’e, niun hende ta haci’e pa nos”, Prome Minister Evelyn Wever-Croes a expresa.



ENBES di keda Aruba pa atende e problemanan den enseñanza, ata Minister Rudy Lampe tambe ta meti den e delegacion di Reino Hulandes, pa atende reunion di Nacionnan Uni. E no tin nada di haci eynan. Kende ta cubri e gastonan di Rudy Lampe? Chicote no ta kere cu ta Gobierno di Reino. Rudy Lampe mester tin berguenza. E kier ta meti pa shake hand di e dignatarionan cu ta atende e Asamblea General di N.U., pero semper para patras di Evelyn Wever-Croes. Ki berguenza!!!

+++++

Awe e bijeenkomst encuanto Hospital lo sigui. Un cos a sali na cla, cu den e comision di supervision cu mester controla e trabao di construccion, tin vacatura pa Gobierno yena. Te awe Gobierno mes no a nombra un representante. Pero Minister Dangui Oduber, siendo den oposicion tabata e prome pa punta dede. Y awe, e mes no a bin den e bijeenkomst pa splica pakico Gobierno mes no a nombra un representante den Comision di Supervision di Hospital.

Dangui Oduber den oposicion a califica henter e desaroyo di construccion, remodelacion y expansion di HOH, como uno corpertino. Despues di 2 año den Gobierno, ainda no a entrega keho contra esnan corupto? Pesey palabra di su tata ta haya forza: Campaña ta un cos, Goberna ta otro”.

+++++

Na oficina di turismo ATA tabatin un protesta di trahadornan. Tur cos ta draai rond di e negociacion di CAO. Tin trahador den top di ATA cu ta bula bay Hulanda biba lekker y keda cobra na Aruba segun STA....Esaki merece un investigacion, cu pueblo merece sa e berdad.

STA kier pa Minister Dangui Oduber publica salario di tur e hendenan ta gana den ATA.. Diego de Cuba ta dispuesto pa publica su salario na STA y e otro entradanan cu e tin e.o. trahando como consehero na oficina di Minister Glenbert Croes..

+++++

Segun Ronella Croes CEO di ATA, ta 16 trahador di ATA 16 trahador di ATA a bay den accion. Pero e cantidad di trahador ta mucho mas cu 16. Ronella Croes a mustra cu e ta defende tur trahador y no un grupo di 16.



Director i Raad van Toezicht di Serlimar lo wordo wanta responsabel pa instruccion politiko pa trahadonan ku ta wordo obliga pa stop nan trabow diario i bai haci politika mañan diarason 2 di Oktober 2019 na parlamento.

Ningun mandatario i tampoko partido politiko mag abusa di trahador i plaka di pueblo!

E cambio real i necesario ta na kaminda i accion corectivo lo wordo tuma di imidiato.

Ayera tabata dia 1 di october, dia cu a bin cambio den cobranza di BBO/BAZV/BAVP. Pero awe mas cu nunca pueblo ta confundi. Segun Kawish Missier dia a cambia y hisa BBO a mustra tambe riba e cambio cu Gobierno a introduci riba e recipro...

Segun Kawish Missier, nan a traha tras di cortina y mustra Gobierno cu esaki no ta bon.

Algun dia pasa comercianten a haya un carta indicando cu e BBO mester wordo hinca adelanta riba e producto y prijs inclui BBO. Esaki ta perhudica diferente negoshi.

+++++

Kawish Missier presidente di Camara di Comercio a splica cu nan no por duna conseho si nan mes no sa kico ta bay pasa ainda. Si no tin comunicacion ta hopi dificil pa duna conseho.

E medidanan nobo ta causa cu hopi negoshi mas ta cera... Un economia cu ta draai malo nifica menos entrada pa Gobierno...

Tin hopi incertidumbre y esaki no ta forma pa stimula un economia ora bo ta den crisis...

+++++

E famoso coordinador di Minister Glenbert Croes, Patrick Faro a bira awor vocero di comercianten di Pos Chikito. E comercianten ta sinti cu Green Corridor a causa seramento di acceso na nan negoshi manera antes.

E comerciantenan mes ta prefera pa DOW bin hundo cu nan y asina papia riba un mihor entrada, pero nan mes no kier Patrick Faro, kende ta un fracasado.

+++++

CFT a mustra cu Gobierno no ta atende cu e gastonan halto di personal..E risico cu CFT ta keda papia riba dje ta di Crisis Plan Social. E fondonan di 18 miyon di crisis plan social tin gasta caba e suma di 1.4 miyon na personal. CAFT ta un organo di Supervision. E no ta un organo Politico.

+++++

Ta bay haci un luna caba, cu Arubus a haya un set di bus nobo. Ora cu kere cu e busnan aki lo ta riba caminda for di inicio di año escolar, pero no. Aparentemente gerencia kier a bin cu un campaña, pero trahadornan a menasa cu nan lo bay den accion, pasobra gerencia a laga sa cu no tin placa p'e trahadornan, anto dicon awor si tin placa pa promocion?

+++++

Por lo pronto, e busnan ta keda paden. No tin bus nobo riba caminda por lo pronto. Asina aki ta (mal)gasta placa di pueblo. No tin fecha ainda, ki dia e busnan nobo lo subi caminda.

Pueblo kier claridad.

+++++

Un biaha mas tabatin accion ayera mainta na Hospital. Esaki pa dos motibo, uno, ABV kier sa ki dia ta firma e CAO nobo y di dos, nan kier sa di adelanto di e construccion andando. Pa loke t'e ultimo aki, tin un investigacion andando, y esnan responsabel mester por contesta e pregunta aki.

+++++

Pa prome biaha ta tende cu gerencia di HOH a bay di acuerdo pa ABV tene e accion aki. Het kan verkeren.

+++++

Lat of tempran, pueblo lo sa pakico Otmar Oduber tin asina pura pa pasa ley di Serlimar. Ta berdad cu e ta prepara e cama p'e mesun bin drumi riba dje. Tin masha version cu den e compania nobo aki, cu lo haya tur placa, y

no Serlimar, Otmar Oduber lo tin un participacion.



LTE PREPAID DATA BUNDLE

Mas Balor, Mas LTE Data, Mas Social Media Ilimita



500 MB

1 GB

3 GB

4 GB

**1 Dia
Ilimita***

WhatsApp
Facebook
Instagram
Snapchat
Pinterest

Afl. 5,-

**7 Dia
Ilimita***

WhatsApp
Facebook
Instagram
Snapchat
Pinterest

Afl. 15,-

**7 Dia
Ilimita***

WhatsApp
Facebook
Instagram
Snapchat
Pinterest

Afl. 30,-

**30 Dia
Ilimita***

WhatsApp
Facebook
Instagram
Snapchat
Pinterest

Afl. 49,-

**Cumpra
Data *123#**

SETAR
Creando Conexion



Fraccion di AVP preocupa y atento riba situacion actual den Parlamento di Aruba pa loke t'e ley di maneho di sushi. Un ley cu kier introduci cueste loque cueste cu ta treциendo division y discordia entre pueblo mes como tambe esnan den Parlamento cu ta sostene Gobierno.

Reunion den Parlamento cu mester a tuma lugar dialuna mainta riba Ley di Serlimar a keda cancela y ta p'e motibo aki a puntra Parlamentario Arthur Dowers kico ta su opinion riba e cancelacion aki.

“ E Ley aki no mester ta ni den Parlamento”, no ta ni cuestion cu el a keda cancela. Un ley cu ta bay endueda e pueblo aki sin precedente ta un abuso, ta palabranan di Parlamentario di fraccion di AVP Arthur Dowers

Dowers ta remarca cu e manera cu e reunion a keda yama y cu e ley a keda presenta ta un berguensa.

Prome cu e ley a yega Parlamento a manda alrededor di 150 pregunta cual niun dia a haya contesta riba nan, cual ta un falta di respet enorme pa Parlamento. Un falta di respet cu sigur tin cu pone un stop na dje. Partido MEP complaciente n'e tipo di actionan aki solamente djis pa keda den Gobierno y pa keda eherce poder, ta keda permiti pa un Minister abusa continuamente di e pueblo aki.



Tanten cu no duna Parlamento contesta riba tur pregunta NO tin sosten!

Aclaria na pueblo ken t'e compania priva cu lo beneficia di miyones di proyecto cu ley di Serlimar

Arthur Dowers kier sa

MIENTRASTANTO E MINISTER AKI A ANUNCIA DI TUMA SU RETIRO

Arthur Dowers ta cuestiona fuertemente ta ki beneficio e Minister aki por tin cu e ley aki, mientras el a tuma su retiro, por laga e otro Minister atende/trata cu e ley aki den tur trankilidad, pero ta opta pa keda forsa esaki cu tur consecuencia.

Tin tur indicacion cu ta un compania lo bay cobra miyones di e pueblo, sin lubida cu e ley aki no ta na beneficio ni di pueblo ni di Serlimar.

Na momento cu placa dreinta Serlimar esaki lo tin cu pasa p'e compania nobo cu ta bay keda lanta pronto poniendo asina Serlimar na berguensa. Tambe ta alerta cu segun calculacion di expertonan y di miembranan di AVP, manera Mike de Meza cu experticio amplio, cu e idea aki lo no ta algo cu por keda logra y/o lo keda como gasto enorme riba e pueblo.

Parlamentario Arthur Dowers ta menciona e parti cu lo bay kima sushi, pero si placa no yega lo tin opcion pa aumenta esaki p'asina acomoda gastonan manera entre otro auto/departamento pa Director, riba lomba di e pueblo. E pueblo ta bay dreinta un aventura sin final!

E proyecto no ta un proyecto di pueblo, ta locual Dowers ta bisa. Esaki ta un proyecto di hendenan priva cu ta habri tur cuestion riba ken t'esun cu lo bay beneficia di ley aki, cu den tur pura y ansha tin cu keda pasa pa algun hende bay gana placa.

Tin varios scenario cu tin cu bay studia hopi miho y den Dowers su opinion e ley aki no por pasa ni dialuna di cancelacion, ni diarazon ni ningun otro dia tanten cu tur pregunta keda contesta y sali na cla ta ken lo beneficia di e proyecto aki awor y den futuro.

Mas ainda sin studia tur posibilidad pa un mihor opcion (cual tin riba mesa) p'e pueblo aki pa asina evita e peso aki riba su lomba.

“Locual nos por mira aworaki ta algo manera Mafia, y esaki ta algo cu nos tur tin cu ta consciente y atento p'e no tuma lugar.”



Lotto 5

Cuminsando cu 4 florin, bo por gana e suma grandi aki

Afl. **415.000,-**

sorteo ta awe nochí

Lotto


Hende a pensa cu ta malo el a bira, pero e chauffeur tabata pata-pata



DIAMARS merdia algo prome cu 2'or por a mira varios hende rond di pick up color cora altura di ex B55 na Kibaima. Den prome instantane a pensa cu un persona lo a bira malo. Na yegada di Polis a resulta cu e cabayero aki tabata pata pata manera nan ta bisa aki na Aruba.

Agentenan a pidi un Transportwagen pa hibe Warda di Polis na Santa Cruz, unda e lo pasa algun rato den cel hunto cu e sanguranan.

Bayendo pa tour den Parke Arikok, UTV a pega candela



DIAMARS mainta Bomberonan a bay n'e entrada di Parke Arikok unda lo tabatin UTV na candela.

Loke a sosode tabata cu e turistanan den dje bayendo pa haci un tour, a ripara cu e vehiculo a coy candela.

Algun Park Ranger cu a mira kico tabata pasando mesora a drenta accion cu un Fire Extinguisher (aparato di paga candela). Asina a logra domina e parti patras unda e candela a start.

Na yegada di Bomberonan no tabatin nada mas pa nan, esta cu e candela a ser paga caba.

E turistanan no a resulta herida y a gradici Park Rangers cu a sali yuda mesora y tambe notifica e compania di e vehiculo.

Parlamentario Richard Arends

Raad van State ta conseha pa no accepta 'Geschillenregeling'



ARUBA
Beach Club Resort

**TIMESHARE
FOR SALE BY OWNER**



**UNIT # 304 – WEEK 32
1 BEDROOM DELUXE SUITE
SLEEPS 5 PEOPLE**

- 2 X QUEEN BEDS
(1 IN BEDROOM & 1 PULLOUT BED IN LIVING ROOM)
- KITCHENETTE
- 3RD FLOOR
- (BALCONY VIEW OVERLOOKING THE RESORT)

PRICE: \$5,500

**INTERESTED PLEASE CALL 583-1400
DURING OFFICE HOURS**

DEN luna di juli ultimo un delegacion di Parlamento di Aruba a participa den tratamiento di e Rijkswet encuanto areglo di disputa den Tweede Kamer. Prome cu proceso legislativo continua den Eerste Kamer, Raad van State a informa Gobierno Hulandes pa reconsidera seriamente ley di areglo di disputa. Particularmente e amienda presenta pa delegacion di Aruba.

E desaroyo aki ta demostra y ta un ehempel con e sistema democratico vigente den Reino tin cu traha compara cu loke a bin ta tumando lugar recientemente pa loke t'e ley di supervision financiero unda Parlamento a aproba un amienda cu sosten di Gobierno y awor Gobierno di Reino a pidi pa su anulacion," Parlamentario Richard Arends a declara.

"Manera ta conoci Parlamento di Aruba tabata riba un liña indicando cu e areglo di disputa manera cu el a wordo presenta, no tabata cumpli cu acuerdonan haci den IPKO, pero tampoco cu palabrascionnan haci na nivel di Gobierno," miembro di Parlamento, como tambe miembro di delegacion, sr. Richard Arends, a mustra durante conferencia di prensa di fraccion di AVP.

Tweede Kamer a aproba e amienda 'Thijssen cs.' caminda ta institui un seccion nobo den Raad van State, caminda

na momento cu tin un disputa riba interpretacion huridico di Statuut of di otro reglanan Constitucional den Reino, e lo por wordo treci na e Afdeling Koninkrijks geschillen aki.

E afdeling aki lo por duna den caso di un areglo di disputa un conseho na Conseho di Minister di Reino cu den razonnan hopi excepcional, lo por desvia di e recomendacion hasi. Raad van State sinembargo a desconseha esaki, pasobra e por trece henter e areglo di disputa den peliger y ta considera esaki no deseabel.

Raad van State ta conseha Gobierno Hulandes pa reconsidera e henter e Rijkswet.

Gobierno Hulandes tin dos opcion: Gobierno por retira e ley aki y consecuentemente lo no tin ningun areglo di disputa; of ta laga e proceso sigui pa Eerste Kamer.

Eerste Kamer por dicidi di no acepta e ley aki manera cu el a wordo presenta y mande bay Tweede Kamer pa e wordo atende di nobo.

"Nos ta sperando pa mira kico lo bay ta reaccion di Gobierno di Reino riba e asunto, pero hecho ta Rijkswet Geschillenregeling manera cu el a wordo aproba den Tweede Kamer, su chens p'e bira un realidad, ta hopi hopi chikito n'e momentonan aki," Parlamentario Richard Arends a indica.



Gabinete Otmar Oduber ta forsando cambio di ley di Serlimar

Gabinete Wever Croes ta pensa riba sobreibi solamente

Melvin Tromp di partido AVP ta muestra cu for di momento cu Minister Otmar Oduber a anuncia su retiro na luna di decembre proximo, pueblo awor ta wordo confronta cu dos Gobierno den un Gobierno di coalicion.

Melvin Tromp ta kere cu pa loke ta resta di e periodo di gobernacion di Minister Oduber, e lo ta heer en meester den un Gobierno cu ta luchando mas tanto pa sobreibi y keda na poder, cu lucha pa interes general di e pueblo di Aruba.

“No por mira e cosnan aki for di otro, ya cu for di momento cu Minister Otmar Oduber a anuncia su retiro, tur hende cu conoce e mandatario aki, ta realisa cu den e dos luna y mey cu ta sobra di su mandato, Minister Oduber lo forsa na rergla tur loke e kier regla, ya cu practicamente e lo no haya resistencia for di Gabinete Wever Croes of di e otro dos fraccionnan den Parlamento cu hundo cu su fraccion di POR ta forma e actual coalicion.

E cambio di ley pa loke ta Serlimar ta ehempel di esaki ya cu mirando e periodo cortico cu e falta ainda na poder, e lo haci tur, pero delaster un cos pa acomoda su hendenan, acomoda su sponsornan y ya e interes general di pueblo, e no ta mira como su responsabilidad mas.

Cueste loke cueste e kier bin cu e incinerator cu ta un inversion di 525 miyon florin cual lo wordo maneha pa un compania cu no ta Serlimar, pero cu Serlimar tambe lo tin cu bay paga pa haci uso di e proceso aki.

Ta incomprendibel con un Gobierno cu ta papia tur ora di integridad, ta permiti un Minister cu practicamente ta demisionario den cierto sentido, sigui tuma decisionnan cu lo por causa de saster pa centenares di mama y tata di

famia cu ta trahando na otro companianan priva, Melvin Tromp a sigui bisa. Companianan cu lo wordo perhudica formalmente cu e plan di Minister Oduber, caminda praticamente e ta impone su pensamento y su proyecto riba custia di trahadornan den companianan den sector priva, pero tambe riba pueblo en general.

Nos mester ta cla den e asunto aki, ya cu Minister Oduber ta manipulando cu e proyecto aki di tal forma cu t’esnan cu ta sostene Gabinete Wever Croes so, ta mira e 6 cu Minister Oduber ta splicando nan, insistiendo cu esaki ta un 9 y ta hopi tristo pa mira con representantenan di pueblo den Parlamento, ta guli e cos aki manda abou.

Ya caba pueblo a wordo castiga formalmente pa Gabinete Wever Croes, caminda e cambio di ley aki lo bay crea un presion ainda mas grandi riba cartera di pueblo caminda a lo largo ta pueblo mes tin cu bay paga extra pa un proceso cu no ta na su beneficio.

Actualmente Gobierno ta subsidiando e compania di recoge sushi c’un suma di 20 miyon pa aña, placa cu ta bin for di saco di pueblo, pero cu e proyecto nobo aki y cu e intencion di Minister Otmar Oduber, lo ranca un suma adicional di casi mey miyon tur luna y caminda Serlimar mes tin cu contribui financieramente n’e proceso, caminda atrobe e placa aki lo ta procedente for di cartera di pueblo.

E cambio di ley aki ta apenas e comienzo di un serie di decisionnan cu Minister Otmar Oduber kier forsa Gabinete Wever Croes ehecuta prome cu e baha como Minister na luna di decembre y su persona sa masha bon cu na momento cu dicidi cu lo no sostene e cambio di ley aki, Gabinete Wever Croes lo pasa pa historia.

Esaki lo bay bira e modus operandi di Minister Oduber te dia cu e baha como Minister caminda p’e tempo ey e lo a regla tur cos pa amigo y sponsornan di su partido, mientras cu personalmente e mes lo ta cla p’e tempo ey sigurando su futuro financiero den diferente forma.

Ta un berguenta con den dia cla pueblo por mira desaroyo di e tiponan aki tuma lugar y pueblo simplemente no tin un Parlamento cu ta para cu pueblo, pero cu ta pensaunicamente con pa mantene un Gobierno cu practicamente no tin derecho di existencia.

Medida tras di medida, caminda ningun caminda por mira con Gabinete Wever Croes ta pensando riba pueblo of ta sali na vanguardia di un pueblo formalmente castiga caba y awor ta permiti un Minister defini no solamente kico ta bay pasa den e Gobierno actual, pero ta determina ki ora y con tur cos lo tin cu tuma lugar.

Gabinete Wever Croes tin problema serio cu Hulanda, cu CFT, cu gremionan comercial, cu maestronan, cu pensionadonan y cantidad di otro grupo mas, pero complace e capricho di Minister Otmar Oduber tin cu wordo atendi prome cu tur otro cos, hasta si Gabinete Wever Croes mester haya un aanwijzing.

“Mas claro no canta un gallo’ ta un dicho conoci y pueblo por mira atrobe con ainda no ta su turno pa haya alivio ya cu otronan tin cu bin prome cu pueblo y ta na su lugar pa nos bisa cu Gabinete Wever Croes awor ta consisti di un coalicion den e Gobierno di coalicion ya cu ta bon bisto cu Gabinete Otmar Oduber lo tin e poder riba Gabinete Wever Croes pa loke ta resta di e mandato di Minister Otmar Oduber,” sr. Melvin Tromp ta muestra.

Drs. Mervin Wyatt Ras (AVP)

Minister Dangui Oduber mester ta mas acesible y responsabel den asunto di hospital

DIAHUEBS dia 26 di september 2019 tabatin un encuentro den Parlamento cu presencia di Director Ezzard Cilie y miembronan di Raad di Hospital v/d Berg, Zeppenfelt y Gino Goeloe alabez representanten di SOGA & AIB, Hodge, Giel y Simon.

E tema di e encuentro tabata e situacion peligroso pa loke ta trata trabounan rond di renobacion y ampliacion di hospital y exigencianan di calidad pa un hospital di calidad. Esaki despues cu hospital a yena cu awa dor di "fayo" di afvoer di tuberia.

Den prensa a ser bisa cu esaki ta debi na falta di mantencion y aki no ta clata ken su responsabilidad esaki ta sea di Hospital of di SOGA.

Segun Wyatt-Ras ta straño cu Presidente di Parlamento, Ady Thijsen ta invita tur e instancianan urgente pa splica kico ta pasa na hospital, mientras cu ora Wyatt-Ras como Parlamentario, hasta recientemente, puntra Minister Dangui Oduber por escrito over di "stand van zaken" di hospital e Minister manera semper no ta contesta ni ora manda reminder p'e. Aki si e Presidente no ta yam'e pa duna cuenta na Parlamento.

Den e invitacion p'e reunion no ta indica tampoco ta ken a pidi e reunion. Normalmente ta Parlamentarionan ta pidi pa scucha instancianan. Ta parse cu t'e Minister a pone Presidente, Ady Thijsen yama e reunion aki p'e por haya informacion, dor cu e no tin contacto cu stakeholders. Presidente di Parlamento mester a yam'e mes como Minister di Salubridad, Dangui Oduber pa duna cuenta na Parlamento. E t'esun cu mester tin contacto cu e entidadnan p'e por splica kico ta pasando.

Pero via di e Presidente e ta uza Parlamentarionan pa haci pregunta p'e Minister por haya informacion y argumento pa ataca e entidadnan cu no ta cay na su agrado.

Tempo e tabata Parlamentario e actual Minister tabata yora y grita den Parlamento y no tabata kier e contratista OHL-Arellano cu a ser escogi ni tabata di acuerdo cu e proceso di bidding di SOGA. Ni cuanto splicacion a ser duna e tempo ey den reunionnan cu e no tabata presencia encuento e sistema di scoring y escogencia, e Minister aki tempo e tabata Parlamentario a bisa cu ora nan ta den Gobierno e lo a investiga. Sinembargo te dia di awe e no a investiga ni el a haci mucho pa loke ta trata hospital.

Durante e contestanan na Parlamentarionan a resulta cu e Minister no ta duna oido den caso di Hospital y no tin su representante den Steering Committee cu ta reuni regularmente cu SOGA y e contratista.

Esaki ta un un fayo grandi di e Minister cu e no ta manda representante p'e ta na haltura di e proceso di construcion y pa comunica y asina influencia of coregi e proceso di construcion.

E gran ausente den e picture pues ta Minister Dangui Oduber. Aki por mira claramente cu e mandatario no ta tuma rienda di su cartera, ni a sondea, ni participa, corda investiga. Porcierto por tende den medionan di comunicacion menasa di e Minister cu "If you can't stand the heat get out of the kitchen" y ta anuncia cu awor lo bay haci un investigacion forensico.

Ta sumamente lamentable cu e Minister aki no tabatin mucho interes pa loke ta pasa den hospital y cu awor cu a surgi discusion e ta core menasa cu



e lo investiga enbez cu el a sinta na mesa cu e diferente partidonan den bienestar di e paciente y pueblo di Aruba.

E minister aki cu a keda pega den su rol di Parlamentario di grita den Parlamento no por los su mes di esaki p'e sinta na mesa cu e partners den construcion den bienestar di nos pueblo. Aruba merece mihor. Aruba merece su hospital drecha.

Aruba merece un mihor Minister cu ta scucha tur banda pa yega na otro y sigui padilanti pa salvaguardia placa di pueblo. Ta inaceptable cu e Minister aki mes ta hinca su mes den e "blame game", esta e wega di culpa otro.


Wyatt-Ras ta spera cu Minister Dangui Oduber lo ta mas envolvi den e desaroyo di hospital.

Mescos cu Parlamento mester a pone Minister di Salubridad bay sinta na mesa cu dokternan y specialistanan den mundo medico tocante eheucion di e ley di AruBIG, awor lo mester mand'e bay sinta na mesa cu Hospital, SOGA y contratistanan.

Pueblo a haya necesario pa drecha nos hospital y di parti di Gobierno mester traha mas duro pa haci esaki posibel. Si tin diferencia di opinion mester sinta na mesa y discuti esakinan pa yega na solucion y sigui traha paso e interes di mas importante lo mester ser salvaguardia, cual ta interes di nos pacientenan y nos pueblo.

Anciano a bira malo y no por a sigui cana mas

E lo a bebe un tiki so di mas



DIALUNA atardi algo prome cu 5'or Polis a bay den area nobo na Pos Abou pa Playa Pabou, unda un homber canando lo a bay a bira malo. Na prome instante a pensa cu auto lo a dal'e.

Na yegada di Polis a resulta cu e anciano a bira malo y no por a sigui cana mas. Parce cu e lo a haya un dolor fuerte den su lomba banda drechi.

Polis n'e sitio a pidi pa ambulance poco pura, debi cu ta trata di un persona di edad. Mirando cu e caminda ta cayente agentenan a habri un laken, y a trata na convence e cabayero pa drumi warda ambulance.

Rapid Responder a yega pa duna prome asistencia debi cu e otro dos ambulancenan tabata ocupa.

Despues di warda un poco un ambulance a yega y a transporta e anciano pa Hospital, pa mira kico a pase. Finalmente parce cu e lo a bebe un tiki di mas tambe. El a dicidi di cuminsa celebra Dia di nos Grandinan.



ANUNCIO Yom Kippur

En conexion cu e dia sagrado di Yom Kippur tur sucursal di CMB lo ta cera pa publico riba diaranson 9 di october, 2019.

Na e comunidad Hudiu di Aruba nos lo kier deseja un ayuno facil y scrito seyado.

Aruba Bank orguyoso di sigui aporta na deporte

FitVille Caribbean Championship 2019 cu resultadonan exitoso



RECENTEMENTE a tuma lugar e FitVille Caribbean Championship 2019 y a conta cu participacion di atletanan tanto local como internacional. Pa 3 dia largo e atletanan a participa den diferente workouts na Centro Deportivo Betico Croes.

E prome dia a tuma lugar e competencia di "Freak'ng Race" y "12 minute AMRAP", unda cu e atletanan mester a haci diferente ejercicio cu Aruba Bank a patrocina.

E di dos dia tabata ejercicionan di "Evil Cousins", "On a running clock 0 to 14" cu Urgent Care Aruba a bini cun'e. Un otro evento cu nan a participa na dje tabata e "trail run" y e "shake your sand".

Pa di 2 año consecutivo Aruba Bank ta forma parti di e competencia grandi aki y a partner up un biaha mas cu nan.

E competencia di fitness ta creciendo na Aruba y hopi persona a presenta pa apoya tur atleta. Nos felicita e organisadornan, e ganadornan, participanten y tur publico presente di a haci e FitVille Caribbean Championship 2019 uno exitoso.

Minister Dangui Oduber na Mervin Wyatt Ras

"Hopi curashi bo tin pa acusa ami riba e desaster cu mi a hereda na Hospital"




Minister Dangui Oduber a keda hopi asombra y sorprendi pa mira cu netamente miembro di Parlamento di partido di AVP, drs. Mervin Wyatt Ras a bay papia di e proyecto di hospital.

Tempo Wyatt Ras tabata Presidente di Parlamento, el a nenga fraccion di MEP un reunion riba proyecto di hospital y laga nan warda mas cu 1 año pa yama e reunion.

Awe e Gobierno aki a hereda un proyecto cu stempel di AVP. Un proyecto caminda cu for di principio nos a anticipa loke ta pasando. Un proyecto caminda Mike Eman, Benny Sevinger y Alex Schwengle a pone nan firma abou, segun Dangui Oduber.

E proyecto awe ta uno cu a trece hopi contratiempo. E planificacion cu a wordo aproba pa Benny Sevinger ta loke a causa cu awe nos tur tin cu bay paga 110 miyon florin extra p'e proyecto di hospital aki. Cu e suma di placa aki nos por a construi un otro hospital na Santa Cruz of Paradera.

Pero aworaki nos simplemente tin cu paga e suma adicional aki pa negligencia, falta di atencion y planificacion di parti Gobierno di AVP.



Segun Minister Dangui Oduber, ta un hilaridad pa scucha Wyatt Ras ta papia di falta di atencion sabiendo cu ora e Gobierno aki a drenta, e proyecto tabata den pleno construccion.

Tur acuerdo a wordo firma, tur huurovereen-komst a wordo firma y tambe e contrato entre SOGA y Arellano.

Mi mester recorda Wyatt Ras cu su colega Benny Sevinger a scoge pa Arellano cu a bid 36 miyon florin mas cu e otro compania.

Awe nos tin un proyecto cu lo wordo investiga pa di e forma aki nos yega na e raiz di esnan responsabel pa tur loke a bay robez den e proyecto aki.

Sra. Wyatt Ras mester por sa mihor y kier hun-ga politica barata cu e problema di hospital cu ta afecta nos tur. Na final di dia nos tur tin cu bay paga e debe cu a wordo crea pa Mike Eman, Minister Dangui Oduber a finalisa su reaccion.

Turista a accidenta cu Quadracer, pero asina mes Tour Guide a sigui cu e trip



DIAMARS merdia algo prome cu 12'or a sosode un otro accidente, e biaha aki tabata durante un di tantisimo tours diario rond nos isla. Segun informacion n'e sitio, un turista lo a bolter cu un Quadracer. Un persona den cercania a ofrece mesora si mester yama Polis y/of ambulance.

P'e persona su sorpresa e Tour Guide a bisa di biaha cu no ta necesario y eynan mes nan a lanta e Quadracer bek.

El a instrui e turistanan cu nan ta cla pa sigui y cu otro palabra nada no a pasa.

Por a nota cu e turista no tabata sinti'e comodo cu e rascanan y posiblemente dolor tambe.

Den algun minuut bou ordo di e Tour Guide nan a sigui y move di e sitio.



Dama y mucha (10) herida den accidente serio di trafico diamars mainta



DIAMARS mainta algo pasa di 7'or, informacion a drenta di un accidente serio na altura di Misa di Tanki Leendert.

Mesora Polis a cuminsa bay e direccion y na yegada enberdad a bin topa cu dos auto cu hopi daño material. Un indaccion cu e impacto tabata uno fuerte.

Loke nos a comprende n'e sitio tabata cu e Chevrolet Spark shinishi tabata bayendo pariba y pa motibonan desconoci a hala na su man robes. Aki ta unda el a dal por bisa frontal contra un Toyota Tercel.

Den e Spark tabatin un dama na stuur y un mucha di mas o menos 10 año.

E dama lo a dal su pecho hopi duro y tabata keha di masha dolor mes. Pa loke t'e mucha e tambe a resulta herida, y tabata keha dolor di cabes debi n'e impacto e lo a dal su cabes.

Mientrastanto ambulancenan ya tabata yegando e sitio di accidente. Materiaalwagen di Bombero a ser pidi dor cu e dama chauffeur di e Spark a keda pega den e auto. Despues di algun rato y bou guia di un Paramedico, Bomberonan a yuda libera e dama.

Ambulancenan n'e sitio despues di a stabilisa e dama herida a sali tanto cune y e mucha pa Hospital.

Chauffeur di e Tercel a wordo controla n'e sitio mes dor di otro Paramedico.





E ultimo dos dianan nos por a tuma nota di e racha di articulo y video na unda e makinaria di propaganda ala Goebels di Otmar Oduber ta trata na desvia atencion di e motibo y consecuencia cu e ley cu lo wordo debati den Parlamento lo bay nifica pa nos pueblo.

Otmar, manera ta su custumber, ta ataca e mensahero sin cu na ningun forma ta contradeci e ponencianan presenta, asina Booshi Wever a cuminsa su articulo.

“Nos a tuma nota cu ta purba di brainwash na prome lugar e trahadornan di Serlimar y despues nos pueblo, bisando cu sin e cambio di e ley aki, existencia di Serlimar ta na peliger y cu ta dor di e cambionan aki existencia ta wordo sigura!

Wel wel! Bay tin curashi!! Ta e ley “Instelling Serlimar, AB 2005 no.5” a percura cu e desangramento cu a tuma lugar dor di e Gobierno di Henny Eman, a ser para.

Danki Dios cu na 2001 a bin un Gobierno nobo cu a pone bida bek na Serlimar. E ley di 2005 cu a haci Serlimar un “zelfstandige bestuursorgaan” (ZBO) a trece salbacion.

Booshi Wever, lider di UPP

Makinaria di propaganda di Otmar a cambia di tactica: Kill the messenger Wever

E tempo ey AVPOR no a vota na fabor y Otmar tampoco, pasobra e hunto cu Tico Croes kier a “get rid” di Serlimar y bin cu Aruba Bunita NV, cu nos a tendé admiti esaki tambe, pero papiando comosifuer cu e no tabata parti di esaki. Esaki ta un manipulacion den optima forma. Es mas e ley di 2005 a percura p'e companianan priva riba e tereno aki, tambe funciona banda di Serlimar.

E intencion di Otmar Oduber ta conoci. Esta sigui privilegia su sponsornan di Carnaval cu e.o. contract miyonario na Sero Teishi. Pa paga mas di 15 miyon n'e mesun sponsor p'e incenirator chikito u Otmar a “sjoemel” y via corucion administrativo a dune.

Pa cubri e huur exorbitante di e edificio na Pos Chikito, tambe cerca finanziador di campana y e posterioran pa su amiguito haya pa por print, etc etc.

E cambio di ley no tin nada di haber pa garantisa existencia di Serlimar, pero pa Otmar keda complace cu e miembranan di su Cartel cu awor a wordo amplia cu e compania STRANHERO cu lo bay haya un MONOPOLIO riba e desperdicio cu Aruba ta produci.

Y “guess what”, Serlimar lo no tin NINGUN beneficio “whatsoever”. E cambio aki ta pa yena saco di e MULTINACIONAL stranhero aki.



Dios sa cuanto ta keda tras pa yena saco di Otmar. Kizas ta p'esey el a rabia cu “La Familia”, pasobra Otmar a bira mucho “greedy”?

Pakico nos ta bisa esaki. Desde cu Otmar tabata den forma parti di AVPOR, e compania cu awe e kier saca su gal riba dje tabata wordo privilegia. E mesun modus operandi a wordo sigui ora a cera un contrato miyonario cu nan. Aki e rumen di Otmar tambe ta den touw!! Y awor diripente e mesun hendenan aki a bira diablo!! Wel wel.

Nos no mester defende e compania aki, nan mes lo por haci esaki, loke si nos ta haci ta informa y adverti pueblo di e VENENO cu tin scondi den e cambionan di ley di Serlimar. Si enberdad e tarifanan y esnan inscribi na KvK t'e salbacion di Serlimar y ta urgente pa pasa esaki, pakico anto no ta pasa esey so y laga e parti cu ta regla e MONOPOLIO y e Serli-Bank afo por lo pronto!! Pero no t'e dos asuntonan ey t'e intencion real di Otmar.

Ta p'esey diarazon dia 2 di october 2019 ta un dia importante. E dia ey nos lo haya sa kende ta para pa pueblo y kende ta para pa e compania STRANHERO y pa yena saco di Otmar. Corda e caso di HOH ta identico, a deal cu mafia, a usa yen di “sprookjes-verhalen” y mira kico a pasa y ta pasando”, Booshi Wever a conclui.

Nissan Sentra horta usa pa comete kiebro na My Computer



DIAMARS madruga un Nissan Sentra a wordo horta na Primavera. Tabata trata di un Nissan Sentra color cora.

E Nissan Sentra aki lo a bay wordo usa pa comete un kiebro na My Computer situa den Pedro Gallegostraat.

Riba imagennan di video e Gerente a capta momento cu e tres homber a purba drenta. Dos lo a baha y pone un pida plywood, p'asina yuda e auto drenta e lugar via mesun rolluik, cu tabata baha a purba na un manera basta stupid drenta e lugar.

Por mira cu tabata un impacto fuerte paso e plywood a kibra y e chauffeur ladron un poco mas a sufri un whiplash.

Manera cu nan a mira cu lo bira dificil e chauffeur a reverse y baha core bay. Takelwagen a ser pidi pa hiba e auto.



Ciclista a haya atake di curazon y a cay muri na altura di Royal Plaza

DIAMARS madruga un security a bati alarma na Polis cu un persona riba bicicleta a cay y no ta reacciona. Trinta minuut a pasa, nada nada di Polis. E sitio? Ey mes den Playa, cerca di Royal Plaza.

Parse cu un rato prome e persona aki tabata na Citgo Boulevard y a cumpra algo di come y tambe di bebe. Segun informacion no oficial e lo a bisa cu e no tabata santi bon.

Asina mes el a subi su bicicleta y bay pariba, y na altura di e joyeria pabou di Royal Plaza, el a cay cu su bais y no a move mas.

30 Minuut

Security den e area cu a mira kico a pasa mesora a avisa Polis. E lo a bisa Polis cu posiblemente lo por ta trata di un “adicto” cu a cay cu bais y no ta reacciona. Ora cu e security a mira cu 30 minuut a pasa y Polis no ta bin a bay over na yama 911.

Na yegada di Ambulance e Paramediconan ta haya nan cu un curpa cu ya ta frieu. Dus, ta basta rato e ser humano aki a keda benta riba caminda pa su cuenta.

Durante cu Paramediconan tabata n'e sitio a bolbe yama Polis. Y ora a splicanan kico a pasa, den menos di 3 minuut Polis a yega y mesora bay over na cera e area p'asina cuminsa investiga. Riba e video por mira momento cu Paramediconan ta tapa e curpa prome patruya ta yega.



Despues n'e sitio un Hefe di Polis ta yega y tabata mustra preocupa, y e tabata haciendo varios pregunta n'e agentenan n'e sitio.

Dokter Texier lo a keda di yega pa constata morto. E persona tabatin sla na cabes y posiblemente man fractura, no ta conoci si esaki a bin dor di e caida fuerte. Ta trata di un homber rond di 65 aña di edad.

Reunion administrativo Ministerionan di Educacion di e 4 paisnan

REPRESENTANTENAN di Ministerionan di Enseñansa di paisnan Hulanda, Còrsou, Aruba y Sint Maarten a bini hunto siman pasá na Bonaire p'e di dos reunion administrativo di e 4 paisnan p'e año aki.

Durante di e reunion aki empleadonan público di e 4 Ministerionan di Educacion a papia tocante vários tópico di cooperacion riba tereno di educacion, cultura y sciencia.

Meta di e reunion aki tabata pa stipulá e agènda y cuminsá cu preparacionnan p'e di dos reunion entre Ministernan di e 4 paisnan cu lo suma lugar den luna di novèmber na Hulanda.

E promé reunion entre Ministernan di e 4 paisnan a suma lugar na comienso di e año aki na Còrsou.

E encuentro tabata inicio di un cooperacion entre e 4 paisnan riba tereno di entre otro mas estudio local



pa bira docente, patrimonio inmaterial, ratificacion di e convenio di Unesco di 2001 tocante patrimonio bou di laman, intercambio di stagaire den área di Caribe, introduccion di un sistema di educacion pa Caribbean Examination Council (CXC) y fluho di studiante pa enseñansa avansá den region y na Hulanda.

Aruba presente n'e Congreso IAAF Doha 2019

ARUBA Athletic Federation (AAF) a caba di participa n'e Congreso di Internacional Amateur Athletic Federation cu a suma lugar dianan 25 y 26 di september ultimo na Doha, Qatar.

Aruba a ser dignamente representa dor di Presidente di AAF, sra. Evelyn Farrell y Secretario General di AAF, sr. Nigel Nedd n'e congreso ya menciona.

Sra. Evelyn Farrell a postula pa forma parti di e conseho di IAAF caminda cu el a keda na puesto 19 for di 35 candidato y no ta logra drenta e Conseho Mundial aki asina codicia.

Willie Banks di Estados Unidos si ta logra drenta locual ta nifica cu Stephany Hightower tambe di Estados Unidos mester baha como Tesorera den NACAC y sra. Farrell awor ta keda nombra como Tesorera di North American Caribbean Association (NACAC).

Un palabra di pabien na Evelyn Farrell cu e logro aki.



IPA ta tene su anochi di informacion tocante e 21+ Toets awe dia 2 di october

BO kier haci e estudio pa Maestro di Enseñansa Primario durante año academico 2020-2021 y no tin diploma sea di HAVO, VWO of MBO nivel 4, pero bo tin minimo 21 año? Ata bo chens!

Tur persona cu tin for di 1 di september 2020 minimo 21 año y cu kier haci un estudio na IPA, pero no tin e diploma cu IPA ta exigi, ta bin na remarke pa haci e asina yama 21+ Toets. E 21+ Toets, ta midi si un persona tin e nivel di HAVO y ta conta solamente p'e estudio inicial cu IPA ta ofrece durante año academico 2020-2021, esta e estudio pa Maestro di Enseñansa Primario.

Awe diarazon dia 2 di october 2019, IPA ta tene un anochi di informacion na unda lo splica kico e 21+ Toets ta encera. Alabes lo elabora riba contenido y trata ehempel di tarea di diferente

materia cu ta forma parti di e 21+ Toets.

E anochi di informacion aki ta un ripition di esun di dia 28 di augustus. Esaki ta nifica cu si bo a



asisti e anochi di informacion di dia 28 di augustus bo no lo mester asisti esun di dia 2 di october. E anochi di informacion ta cuminsa 7or di anochi y lo tuma lugar na IPA (Isaac Wagemakerstraat 11, San Nicolas).

Durante e anochi aki lo tin oportunidad pa inscribi p'e 21+ Toets. Pa por haci esaki mester trece e papel di registro civil (papel di AWG 5,-) y AWG 75,- p'asina cumpli cu e

gastonan di inscripcion.

E ultimo fecha pa inscribi pa e 21+Toets ta dia 1 di november 2019. Despues di e fecha aki no por inscribi mas pa año academico 2020-2021.


Pa mas informacion por tuma contacto cu Studenten Services na 5243100 of por bishita nos pagina di facebook 'Instituto Pedagogico Arubano' of nos website www.ipaaruba.com.

**SINTONISA TUR MERDIA,
RADIO GALACTICA 99.9
PA SCUCHA NOTICIA PRESENTA PA**

VICTOR (TOKO) WINKLAAR,
ALEXA WERLEMAN Y SIMON ARENDTS.

DN Den Noticia **GFM 99.9**

Arubiana cu ta destaca den educacion na Merca



DR. MINERVA (Charlotte) Spanner Morrow, presentadora di programa na Merca: "Embrace All" – "Acepta Tur", su prome programa ta pasa diadomingo 6 di october 2019 na TeleAruba.

E Arubiano, dr. Minerva Spanner Morrow (Charlotte) un educadora destaca na Merca t'e presentadora di un programa di television di enseñanza na Merca cu yama: Embrace All (Acepta Tur).

Tele Aruba ta transmiti e prome episodio pa televidentenan di Aruba tambe por mira e programa aki cu ta den e idioma Ingles diadomingo dia 6 di october 2019, 12or di merdia. E programa lo trata e iniciativanan di Diversidad, Igualdad y Inclusion di e Distrito Escolar di Hillsborough County, na Tampa Florida.

Loke ta mas importante ta cu e programa ta celebra e importancia di acepta, respeta y valora tur empleado y studiante. Canalnan di television na Tampa lo cuminsa transmiti e programa dia 2 di october 2019.

Dr. Spanner Morrow ta di San Nicolas y a biba na Savaneta. E scolnan cu el a bishita ta Filomena College Mavo y Colegio Arubano Havo/VWO. El a ricibi su Bachelor, Master y Doctorado den Enseñansa na Uni-

versidad nan di Ohio, USA.

Dr. Spanner Morrow a cuminsa su carera como jufrouw di scol y tabata Hoofd di Scol na varios nivel na Merca.

Awor e ta Directora Ejecutiva di Enseñansa den ramo di Diversidad, Igualdad y Inclusion. Su distrito di scol ta un di e institucionnan escolar mas grandi di Merca, cu mas di 200 mil studiante.

Su mayornan tambe ta Arubiano, y e ta yiu muher di difunto Parlamentario di Aruba, Selwyn Spanner y sra. Aura Finies Krosendijk, kende actualmente ta biba na Bonaire.

Dr. Spanner Morrow ta mama di dos yiu homber mayor di edad caba, Alaun y Etienne Morrow y nan tur dos ta biba na Tampa, Florida.

Nos ta desea dr. Spanner Morrow hopi exito y nos ta spera cu tanto televidentenan na Merca como e pueblo di Aruba por beneficia di e programa di television aki. Dr. Spanner Morrow ta manda cumindamento pa tur su familia y amigonan tanto na Aruba y islanan Hulandes y ta gradici Rona Tromp di TeleAruba y Suzy Maduro Consultancy pa nan colaboracion y apoyo.

E 'Dia di Colegio Arubano' exitoso tin continuacion den 2020

DEN siman cu a passa, hoben- y lidernan di mundo a papia riba e consecuencianan di cambio climatico. E alumnonan di VWO-4 di Colegio Arubano, tambe a papia tocante e topico aki y a traha un colage cu nan deseonan pa un Aruba cu efecto climatico neutral na 2050, cu yen di idea pa desperdicio, alimento, transporte y energia den futuro.

Esey tabata un di e actividadnan di e 'Dia di Colegio Arubano' dia 20 di september. "Esaki tabata e prome biaha despues di hopi aña, pero otro aña atrobe", asina juffrouw Van Loon, rector di e scol a bisa.

"Tabata fantastico pa mira con creativo, entusiasma y envolucra nos studiante y docentenan ta."

Pa cada nivel a organisa un programa separa, e.o. speurtocht den Playa, actividad deportivo na San Nicolas y Mangel Halto y sesion di yoga.

Colegio Arubano ta celebra 60 aña di existencia e aña aki, y p'esey a organisa actividadnan p'esnan directamente envolvi cu scol. Riba diasabra, 23 di november proximo, lo tin un reunion pa ex-alumno, cu presentacion di Robert y su Solo Banda Show y Tsunami hunto cu diferente DJ. E recaudacion di e reunion ta destina pa mantencion di e edificacionan di scol.



Ian, Caylee y Junisha, ganadornan di Kiniki Festival 2019



E festival tabata dedica n'e gran musico y cantante Ofo Escudero, kende tabata presente acompaña pa su famia. Canticanan nobo bailabel a ser presenta den Cas di Cultura. Mc y organisadornan tabata Addonsito Croes y George Winterdaal.

Cu presentacionnan di Gang di Arte “Aladdin”, Judson Vrolijk “Kiniki t'e wega”, Cristy Kock “Talent show”, Dydrikk Wouters “playback show”, Diamond Dance “mix show” y Ishmerai Helder “Stima”, e show tabatun tremendo celebracion di 5 año di Kiniki Festival y Revista Kiniki.

E cuerpo di hurado Raquel Lampe, Sandra van der Linden, Ivan Croes, Xiomara Werleman, Paula Alves R'stap, Emilene Boekhoudt y Esther Arends tabatin un trabao dificil pa a saca e ganadornan.

E resultado tabata den *Categoría 1*:
Ganador: Ian Tromp, “Pia para keto” (Ronwayne Kock)

Finalista: Xamarah Anthonij.

Categoría 2:

Ganador: Caylee Pieters – “Nos cumindanan crioyo” (Ronwayne Kock)

Finalista 1: Melodie Franken – Mi tin un vos (Ronwayne Kock)

Finalista 2: Kingston Tromp – Ta ami mes ta Kingston (Chinto Croes)

Categoría 3:

Ganador: Junisha Growell – Baila sin miedo (Martha Figueroa)

Finalista: Nina Perez – Bo Pasión (Stephanie Gravenhorst)

Cantante Popular: Ian Tromp; Mihor trahe: Ivy-Ann Bryson; Cantante Amistad: Serena Morrison.

Danki grandi na tur sponsor y tur esnan cu a haci e Festival aki posibel.

Kiwanis Club of Aruba su Gala of Thrones tabata un exito rotundo

DIASABRA ultimo, Kiwanis Club of Aruba a tene su fiesta anual di gala pa recauda fondo, cu ta sobresali semper p'e ambiente unico y elegancia cu ta combina cu e tema di e anochi. E aña aki "GALA OF THRONES" a surpasa tur expectativa y resulta un bes mas den un exito rotundo. Na entreda di Renaissance Convention Center tabata tin un trono cu 2 dragon – cortesia di Rafael Scatliffe- caminda esunnan cu a atende e evento por a saca potret. Despues por a cana riba e red carpet y drenta paden den e sala trasforma caminda e glamour, elegancia y sofisticacion a keda refleha den e decoracion esplendido realisa pa House of Mosaic Event Planners. Sigur nos por cataloga e 'wine gala' di Kiwanis Club of Aruba como un top evento unda cu tur e personanan cu a cumpra un ticket, cu ademas di a contribui pa un bon causa a experiencia un anochi fastuoso.



Un di e highlight di e anochi tabata e video mapping cu Egmar Irausquin, cu ta e "creative director"na Elite Productions, a crea cu elementonan manera entre otro e dragon y corona di "Game of Thrones" a resulta den un impacto inmenso. Den Renaissance Convention Center e companianan di biña, cocktails y craft beer a presenta nan booth decora cu originalidad den e tema y aki por a conta cu presencia di: Divino cu 19 crimes, Romar Trading cu Concha y Toro mas Ketel One Vodka, Tropical Bottling Company cu Misiones de Rengo mas Patron Cafe, Pepia Est cu StemMari y Craft Beer Lovers Aruba cu diferente craft beers.

Manera tur e fiestanan di Kiwanis Club of Aruba e bon musica ta otro highlight, e biaha aki e combinacion musical poderoso tabata den man di e legendario Robert & Su Solo Banda Show, banda di carnaval 65 Tsunami y e banda di momento Buleria. DJ Edson Tromp a pone esunnan



di tur edad goza den style di back to the 80's cu efectonan di luz di ELITE Productions. E Taxi Dancers tambe tabata presente durante e anochi pa baila cu tur e damanan cu kier a subi pista di baile. Pa di cuater aña consecutivo Jean Carlo Espinal a fungi como MC, cu su forma unico di trece animacion a pone un ambiente sin igual.



Den e estilo cu Kiwanis Club of Aruba a presenta 'Gala of Thrones' a duna esunnan cu a asisti riba e diasabra anochi na e fiesta, e oportunidad pa luci elegancia y estilo cu un toke special den nan vestuario. E premio pa "Best Dressed Couple" a resulta den Ritza y Mike Lopez. Pa "Best Dressed Female" tabata Arnalda Lampe y "Best Dressed Male" tabata Rodney Hernandez. E "door prize" cual tabata un travel voucher balora na AWG 2500 a ser gana pa Shaky Nicolaas – Lacle.

Kiwanis Club of Aruba ta gradici tur e beverage suppliers, menciona, tur e otro sponsors y na cada persona cu a cumpra un carchi di entrada pa nan aporte pa asina yuda haci e evento pa recauda fondo uno exitoso e aña aki atrobe, cu e meta pa yuda nos comunidad y principalmente e muchanan a traves di proyectonan.

Amerigo Thode a perde apelacion na Hulanda



WILLEMSTAD. Ayera mainta Corte Supremo na Hulanda a dicta veredicto den e caso di apelacion cu e ex parlamentario Amerigo Thode a entama mas cu dos aña contra su condena di un boet condicional di 1500 florin pa violacion di secrecia di reglamento di parlamento y a rechasa su apelacion.

Corte Supremo cu e caso a reconoce cu a tarda mas cu normal pa trata e caso y yega na un diccion pero cu esey no ta cambia nada na e castigo cu Corte di Husticia na Corsou a dicta.

E boet condicional a keda confirma cu ta net loke Amerigo Thode no tabata kier.

CONFIRMACION FINAL

Cu e veredicto di Corte Supremo ayera mainta, a confirma e condena di Thode tres baha desde cu presidente di parlamento a denuncia Thode pa violacion di secreto

parlamentario.

Den su denuncia e presidente di parlamento a informa cu Thode a viola su secreto profesional pasobra ela revela loke a keda discuti durante un reunion confidencial di comicion finansiero di parlamento riba dia 4 di september 2014.

E comicion a reuni e dia cu Colegio Supervision y tur presente tabata sa cu ta trata di un reunion confidencial.

Despues dje reunion Thode duna un entrevista na varios MAS caminda ela conta na placa chiki kico nan a papia den e reunion. Y esey ta un hecho castigabel.

Thode su abogado a insisti cu Thode no a viola e secreto sumario sino cu ela haci uso di su derecho di libertad di exprecion..

Ademas loke ela bisa tabata algu publicamente conoci.

Foi momento cu e diccion di Corte di Husticia Comun a cay na Corsou a stipula cu e regla di confidencialidad tabata fuera di proporcion y esey no tabata e caso.

Ya caba einan Thode a perde e caso den Corte Superior.

Thode a haci e declaracionnan den e periodo di 4 te cu 9 di september 2014 papiando na Radio Mas.

Ela haci esey sabiendo cu e informacion no tabata pa compartie cu publico.

Loke Thode a bisa den e reunion y

cu a bira su desgracia ta cu e representante di di CFT a lanta bisa cu niun ora so no t'a tin y nan a indica cu tabatin mal maneho, un ‘wanbeleid’ y tampoco corucion di e caso aki..”

Esencia dje declaracion ta cu nunca Thode a bisa cu tabatin mal maneho durante e coalicion Schotte. Corte Superior a basa su diccion tambe riba e declaracion di reshershe local caminda a bisa “cu pasobra den e reunion ey un miembro di CFT a bin sali insinua anto menciona dilanti di CFT cu ta pa motibo cu tabatin “wanbeleid” y corucion na aña..., na 10-10-10, ta p'esei nos ta den e situacion cu nos ta aworaki...”

Einan Thode a lanta bisa cu niun ora so no t'a tin y nan a indica cu tabatin mal maneho, un ‘wanbeleid’ y tampoco corucion di e caso aki...”

Un argumento di defensa di Thode tabata cu no a traha relato dje reunion pero Corte Supremo tabatin un anotacion cu a revela tur detaye dje reunion y tur loke Thode a bisa. Corte Supremo a dicidi cu Thode a viola regla di secrecia di reunion den parlamento y su argumentonan ta pone cu Corte Supremo lo no trata e caso.

Presidente di Parlamento a ricibi e Presidente di Banco Central

WILLEMSTAD - Diabierna dia 27 di september ultimo Presidente di Parlamento sr. William Millerson a ricibi na su despacho e Presidente di Banco Central di Corsou y Sint Maarten sr. Bob Traa.

E bishita aki tabata di caracter di cortecia ya cu señor Traa resientemente a keda nombra como Presidente di e Banco Central di Corsou y Sint Maarten. E bishita aki a bay den un esfera hopi ameno caminda e dos Presidentenan a papia riba diferente tema cu ta regarda economia di Corsou.

Descripcion di e potret:

Di robes pa drechi; sr. Bob Traa Presidente di Banco Central di Corsou y Sint Maarten, sra. mr. Lisienne Crezee-Kwidama hefe si Asuntonan Constitucional di



Parlamento, sr. William Millerson Presidente di Parlamento di Corsou.

Wardacosta lo sigui patruya intensivo rondo di islanan ABC



WILLEMSTAD. Wardacosta ta keda aplica ley y detencionnan na momento cu personanan indocumenta purba drenta e islanan di forma ilegal. Recientemente Wardacosta a detene 10 persona indocumenta cu arma y droga den awanan territorial di Aruba. Tur e personanan y e contrabanda a ser entrega na polis.

Wardacosta ta pone tur su unidadnan disponibel pa asina garantisa seguridad den e awanan territorial di Aruba, Corsou y Boneiru. E barcu di Marina Real Zr. Ms. Groningen y su helicopter NH-90 lo sigui colobora cu Wardacosta. E milicianonan di Aruba y Corsou tambe ta sostene e patruyanan den e awanan rondo di e islanan. Abo como ciudadano alerta tambe por yuda Wardacosta. Na momento cu bo mira algu sospechoso riba laman of na costa, bo por yama Wardacosta riba e number 913. E number aki ta alcansabel di dia y anochi.

Cristian W. R. a keda cla cu castigo di trabou



WILLEMSTAD. E cuidadano Cristian W.R di 21 aña di edad tabata den sala di corte dialuna atrobe pa trata e caso caminda ela keda acusa di exportacion di cocaine pa exterior.

Ta trata aki di 222 gram di cocaine cu a keda manda via pakete di post dia 30 di april 2018. Cristian W.R a cambia su declaracionnan varios biaha.

Dialuna den sala di corte direpente el a papia di un mucha muhe cu lo a pidie haci un fabor, siendo cu anteriormente el a haci mencion di un tal Johnny. Den sala di corte dialuna el a bisa hues y fiscal cu el a haci e fabor despues cu e mucha muhe cu ta doño di e pakete a bisa cu e no tin su ID hunto cune. Mas aleu Cristian a bisa cu e no conoce e mucha muhe asina bon.

Hues a puntra kico Cristian a haña pa haci e fabor y esaki a declara cu tabata 100 florin. Pero ta resulta cu mas biaha Cristian a manda pakete afo.

Ta awor numa a gar'e, mandando droga afo. Aparentemente tin un persona mas envolvi den e caso aki cu tabata hunto cu e mucha muhe cu a pidi pa haci e fabor. Ademas ta asina cu e pakete tabata di plak como tal e acusado no por a sa di e contenido.

Cristian segun fiscal mr. Altagracia Martis ta un

acusado cu no a mustra autoridadnan cas di Johnny. Ademas tabatin cuestion cu ta trata aki di un haimokino y otro biaha ta un haitiano. Pues ta como si fuera Cristian no kier duna claridad riba loke a pasa realmente.

Pa loke ta su situacion personal Cristian a stop di bay scol debi na problemanan cu e tabatin na scol. E acusado aki ta un firstoffender.

Fiscal a demanda un castigo di prizon di 6 luna di cua 3 luna condicional.

Cristian na momento cu el a haña e ultimo palabra a declara cu el a siña su les y cu den futuro lo e actua muchu mas couteloso.

Hues Gruijters a haña cu e acusacionnan contra di Cristian ta legalmente y convinsentemente proba, sinembargo a wanta e castigo di prizon di 6 luna totalmente condicional, cu un periodo di prueba di 3 aña, mas 120 ora di trabou.

Si Cristian no cumpli lo e mester sinta 60 dia. Abogado mr. R Matis ta esun cu a hiba e defensa, pero mirando resultado di e sentencia por conclui cu e defensa cu a elabora pa tene consideracion cu e cliente aki, esta Cristian W.R. toch a surti resultado positivo.

E ta enfrentando castigo di 24 luna

Piscado Venezolano a bay pasa droga pa paga un debe

WILLEMSTAD. Suavemente bisa loke e venezolano Javier a presenta den sala di corte dialuna, dialuna 29 di september, ta un historia cu a zona manera algu carga cu fantacia y mentira.

Pa cuminsa ta trata di un homber di 40 aña di edad, pero hopi aña biba na Corsou.

E ta un piscado cu su motor di boto a daña y cu pa esey el a cay den problema finansiero.

Ela busca manera di fia placa, anto asina ey el a crea un debe cu a bira di mas.

Aparentemente doño di e placa a pone un enorme precion riba dje cu te hasta el a hañ'e ta asepta pa pasa droga hiba Santo Domingo pa keda cla. Direpente Javier a cuminsa papia di un persona cu a para borg pa e fia placa, pero e no kier a menciona e nomber.

Nan a menas'e cu morto si e no cumpli. Aparentemente el a haci algun grabacion di loke el a pasa aden.

Tabata 25 di ougustus cu el a purba



subi avion cu 1585 gram di cocaine mara na su curpa. E droga tabata lora den papel di selofan ront di su barica y na su rudia.

Enfin den sala di corte e historia cu Javier a bin cune a cue un buelta masha dudososo mes.

En realidad ta trata di 125 bolita cu e mester a guli, pero na ultimo momento el a dicidi cu ta miho e placa nan na su curpa.

Javier ta un firstoffender. Pa cada pregunta cu hues y of fiscal a lansa Javier ela sa di produsi un otro his-

toria.

El a sigui papia manera un lora conta tur sorto di cos cu a zona probabel. E kier a bay bende droga na Santo Domingo pa haña placa pa cumpra un motor di boto y awor direpente ta precion nan a pone riba dje, menas'e cu morto. Pero hecho ta cu el a asepta pa transporta droga y fiscal señora Altagracia Martis a demanda un castigo di prizon di 24 luna di cua 12 condicional y un periodo di prueba di 3 aña.

Ricibi AWEMainta tur dia den bo inbox

Manda bo E-mail na noticia@awemainta.com



"En voor altijd is dit mij bijgebleven
hoe zeer veel stiller dood dan slapen is
dat het een dagelijks wonder is te leven
en elk ontwaken een herrijzenis."
(Uit In memoriam van J.C.Bloem)

Nos casa, tata, ruman, swa, omo y abuelo: Dick (Adrianus)
Piper a fayece dia 27 september na Aruba.



Marion

Natascha
Peter
Christine

Anna
Lily
Saskia

Paul
Ans

y nan famia

Enbes di flor lo tin un box disponibel pa donacion pa Hospice
Atardi.



"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"

Salmo 33

A fayece inesperadamente:



Juan Mario Briezen

Mihor conoci como "Mario" of "Prins"
*25-11-1954 - †01-10-2019

Acto di despedida lo wordo anuncia despues

Abogado a insisti:

Autoridadnan a drenta cas robes pero hues a condena e habitante tog



Juan 14: 6
Jesus a bisa: "Ami ta e caminda y e berdat,
y e bida; ni un hende no ta bin serca e Tata,
sino pa medio di Mi."

A fayece nos tanta stima:



Sra. vda Marianita Statius-Thiel

mihor conoci como "Annie" of "Tannie"

Na nomber di su sobrino- y sobrinanan stima:

Saritha Wever-Maldonado
Lesbia Kelly-Maldonado
Lorenzo y Ada Maldonado-Angela
Eric Maldonado
Raul y Aydee Geerman-Valero Soto
Edna y Eric Vinck-Geerman
Filomena y Lucho Geerman-Thiel
Mislin Thiel
Robertico Thiel
Evelyn y Raul Dubero-Thiel
Jacqueline y Urwin Lacle-Thiel
Shirlyn Thiel
Jenisse Thiel
Emilio y Esther Thiel-Arends
Shelley Thiel
Joseline Thiel
Jeraisha y Joslyn Gil-Thiel
Etlyn y Arnold Cruz-Thiel
Marisol Thiel

Y tur su sobrino-nietonan y sobrina-nietanan stima.

Demas famia: Thiel, Jansen, Statius, Wever, Kelly, Maldonado, Angela, Gomez, Geerman, Valero Soto, Vinck, Dubero, Lacle, Arends, Gil, Cruz, Boekhoudt, Maduro, Bareño, Tilstra, Croes, Peñon, Ridderstap, Christiaan, Saladin, Tromp, Cardozo, Bartis, Gonzalez y demas famia.

Si en caso den nos tristesa nos por a lubida algun persona of
famia, nos ta pidi nos mas sincero disculpa.

Acto di entiero ta tuma lugar diahuebs 3 di october 2019.

Nos defunto stima lo ta reposa for di 2or di atardi
na Aurora Funeral Home y pa 4or ta Sali pa Santana Centraal
na Sabana Basora.

Juan 5: 28

No asombra boso mes, pasobra e tempo lo yega unda tur
cu ta den graf lo tende Su Voz y sali.

WILLEMSTAD. Si tabata pa Abogado señora mr. Maribel Gomes tratamiento di e caso di Jerome dialuna den sala di corte lo a caba na aros y coco. Ta asina segun abogado señora mr. Gomes di 14 di ougustus 2019 cu autoridadnan a drenta un cas, e mester tabata na cas di su ruman biba den Santo Domingoweg.

Pero nan a bin resulta net na e cas di Jerome caminda autoridadnan a haña 575 gram di hennep, den forma di paketenan of sea sacunan di plastic chikitto cu droga y sumanan di placa den florin Antiano, dollar y euro.

Tanto Jerome como su rumannan ta biba den Santo Domingoweg, pero no riba e mesun adres.

E circunstancia a crea mesora e imprecision cu ta na sitio caminda tin bendemento di droga. Abogado señora mr Gomes sinembargo a para arriba cu e pruebanan cu a keda optene di e forma aki ta fuera di lei, pasobra a bay cas robes y a optene informacion cu no ta cuadra cu proposito original y pa cua a emitir e orden special pa drenta cas di un sospechoso.

Fiscal mr. Altagracia mesora a reaccionar bisando cu ta trata aki di un hayazgo di droga.

Hues mr Gruijters despues di a scucha e observacionnan di ambos banda a tene un pouso corticu pa tuma un disicion al respecto.

E conclusion final ta cu Jerome ta keda sentencia toch na un castigo di prizon di 9 luna, kitando e periodo cu el a pasa den arresto preventivo.

Tanto e droga como e placanan cu ta sospecha di ta prosedente di actionan ilisito, esta benta di droga, ta keda confisca.



"Señor ta mi wardador, mi'ntin falta di nada
Den cunucu di yerba berde e taponemisosega.
E tahibaminaawatranksil,
Pa mi bolbeñaaforsa".
Salmo: 23
A fayecechristianamente



Sofia Hildegarda Leonardo-Monart

*17-09-1931 - †28-09-2019

Acto di entiero lo wordoanunciadespues.



Gradicimento y Invitacion

Pa medio di esaki famia Figaroa kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entiero di nos mama y wela stima:



Genovita Figaroa-Kelly

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico. Un danki special ta bay na Dr. Vogel, Fysioterapista Heidi, Wilhelmina Kankerfonds, Lola, Iris, Karin y Minouche y tur persona cu a yuda di un manera of otro. Tambe na Aurora Funeral Home pa cu su bon servicio y atencion.

Boso muestra di atencion tabata un gran Consuelo pa nos.

Na mes momento nos ta invita famia, bisiña-, amigo- y conocirnan pa compaña nos na 2 Santo Sacrificio di Misa na misa Santa Anna na Noord; diaranson 2 di october y diabierna 4 di october pa 6.30 di atardi.

Boso presencia ta altamente aprecia.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibaminaawatranksil,
Pa mi bolbeñaaforsa".
Salmo: 23
Cu hopi dolor nanoscurason, peroconforme cu Dios su boluntad nos ta anuncia fayecimento di nos mama, ruman, tanta stima:



Jacintha Irena Dirksz

Mihorconocicomo "Chenta"

*05-04-1957 28-09-2019

Na nomber di su:

Tata y Mama: Dominico y HeronimaJoncaDirksz
Tata di suiyunan: Marco "Maiky" Koolman
Yiunan: Jean-Marc Koolman y ZulaikaDijkhoff y familia
Jean-NilcaKoolman y Kenneth Gumbs y familia
Jean-Michael Koolman y Shelly Werleman y familia
Manerayiunan: Edgardo "Eddie" y Xiomara Dirksz-Braafhart
Richard "Pulo" y Veronica Mackay-Werleman
Lisandra "Sandra" y Javier Antigua
Harrison "Juni" y Vanessa Dirksz-Vanegas
Nieto y nietanan: Je-Marc, Jeandy, Shiquion, Sheiron
Rumannan:
Shompe y ChilaDirksz- Arends y familia
Florencio Dirksz y familia
Pedro y Altagracia Dirksz-Sanchez y familia
Filomena Dirksz y familia
Jacinto Dirksz
Cecilia Dirksz y familia
Carmen Dirksz y familia
Maximo y Sharon Dirksz- Kock y familia
EfigenioDirksz
Felix Dirksz
Mariano y Carla Dirksz-Croes y familia
Amistadnan di cas:
Emelina Loopstok
Nora Paesch
Maria Kransen-Arcaya
Eithel Kock
Silvia Wouter
Fransisca Thiel
Priscila Hernandez

Tanta y omonan y nan familia, swa y cuñanan y nan familia, sobrina y sobrinenan, primo y primanan, ihanan, Team nan di softball cu e la yuday tena ultimo cu ta Roots y Legends, amigo y amiganan, conocernan y demasfamia. Nos ta pidiespensi den nostristesa y dolor nos por a lubida un of otrofamia. Ta invitapa asistina ecto di entierocual lo tumalugardabierna 04 oktoberdi 2'or pa 4'or di atardinamisa Inmaculada Concepcion na Sta Cruz pa santanaSabanaBasora. E reston mortal di nosdefuntostima lo ta reposa for di 11'or di maintapa 1:30 di merdianaJamanota 15. Adres pa condolencia : Aurora Funeral Home, diawebs 03 di oktober 2019 di 7'or pa 9'or di anochi Na luga di manda flor of krans un donacion lo ta altamente aprecia. Lo tin un box disponibel den misa. Famia ta pidi pa bin cu colornanalegre. Nos ta lamenta cu despues di entieronos lo no por ricibibishita di condolencianacas.

Lista di palabra	
frase	: phrase
util	: useful
kompronde	: understand
no sa	: don't know
por	: can
poko poko	: slowly
porfabor	: please
un tiki	: a little
papia	: speak / talk

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos Curason nos ta participa fayecimento di mi querido esposo, nos tata, abuelo y bisabuelo:

Leandro Maduro
Mihor conoci como "Jani"
ex chauffeur di autobus B32 sta. Cruz
*09-07-1938 - †29-09-2019

Na nomber di su:
Esposa: Leonida Chichia Maduro-Ras
Yiunan: Richard y Adriana
Lilian y Albino
Sandra y Jeery (Venezuela)
Magalie y Cun
Soraja
Carine y Rudolph
Frenk y Norma
Nelson
Johny y Ricky (Hulanda)
Tanta: Dolorita
Nieto- y nietanan, bisanieto y bisanietanan, iha, rumannan, sobrino y sobrinenan, swa y cuñanan, primo y primanan, conocernan y bisiñanan.
Demas famia: Maduro, Ras, Tromp, Werleman, Petrochi, Leon, Muller, Croes, Kelly, De Castro, Marin, Corea, Matos, Thiel, Samuels, Bareño, Angela, Lispier, Gross, Richardson, Quintero, Reyes, Marquez

Ta invita pa acto di despedida cual lo tuma lugar na Aurora Funera home diaranson 2 di oktober 2019 di 9'or pa 11'or di mainta. Cremacion lo tuma lugar despues den seno familiar.

Despensa nos si den nos tristes nos por a lubida algun famia.
Nos mas sincero disulpa



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: "*Ami Kier Abona*"

Like nos riba facebook

Keda "up to date" y like nos riba facebook

www.facebook.com/awemainta



Subi riba nos website

www.awemainta.com

AWEMainta completamente

DIGITAL